

女界須知

午 31
49



女界須知

順治門內翠花街十五號景景醫室刊行

蘇州吳縣陸成一編輯

婦女恆多隱疾每含忍而不肯言以致小病變成大病太症釀爲絕症既成絕症雖盧扁復生莫能挽救苟於病之初起卽行治療不數劑而可愈何至若是予甚憫之因輯隱疾各方登諸存粹醫報俾婦女輩得以對證自醫有友人見之曰此絕大救人仁術也勸予廣爲選輯專編一書普傳女界予曰諾因輯是冊仍以陰戶病爲主選方獨多列之於首連類而及交合門乳門經水門帶下門癖塊門胎孕門臨產門產後門求嗣門繼產門爲類十有一雖難稱完全大略具有矣予卽未曾察舌診脈親自臨證苟檢此冊以對症自療當有效驗也世或不我瑕疵乎

陰戶病門

附楊梅瘡少腹滿

陰癢

集簡方云蛇牀子一兩白礬二錢煎湯頻洗

陰毛際肉中生蟲如蟲或紅或白癢不可忍 劉長春云白果仁嚼細頻

擦之取效成一案男子亦有此症

溼熱生蟲陰中癢

石室秘錄云用蚯蚓三四條葱數根各火上炙乾爲

末另用蜜一碗熬成膏將藥末搗和納入陰戶蟲盡死而自隨溺下

肝脾鬱結濕熱生蟲陰癢

婦人良方云以桃仁研膏和雄黃末或鷄肝

納陰中服龍胆瀉肝湯逍遙散成一案兩方中要藥爲生地龍胆草山

梔子薄荷赤芍可卽用此數味煎飲

陰腫作癢

永類鈴方云蒜湯洗之効乃止

陰戶風腫

成一案肝脈絡於陰器肝旺生風復由外風引動則陰戶發

腫可用桑葉菊苗荊芥防風煎湯熏洗凡身體瘦長者腫多由風

陰戶溼腫

成一案脾溼下流亦令人陰戶發腫可用牆上白螺螄殼煨

研末加蛇牀子杉木片煎湯熏洗凡身體肥胖者腫多由溼

血虛而滯陰腫 成一案此症須用生地當歸乳香酒炒赤芍煎湯熏洗

知其爲血虛而滯者必更作痛也

濕痰下流子戶旁生腫塊 孫文垣云鍼破出白膿卽消無癰又但腫而

不痛知無熱毒用煨白螺螄殼南星半夏柴胡甘草麴糊爲丸服

陰痛 準繩云用青鹽炒熱以布裹熨之

兩筋從陰吊起至乳痛不可忍身上發熱 傅青主云用川楝子猪苓檳

榔澤瀉木賊草木香大小茴香白朮烏藥乳香延胡姜葱煎服

新嫁娘小戶作痛 外科正宗云烏鰂魚骨燒研細末酒調服千金方云

小戶嫁痛連日者用甘草生薑各三分白芍桂心各二分酒煎服

男病新愈交接邪移女身陰中絞痛 張仲景云用丈夫近私處褲布燒

灰服成一案或以竹茹煎湯調之或加韭白根猥鼠矢更效

女陰挺出 乾坤生意云茄根燒存性爲末油調在紙上捲筒安入內
日一上

陰中突出一物長五六寸 準繩云此名陰挺用當歸黃芩各二兩牡蠣

一兩半赤芍五錢炙蝟皮一兩右爲末每服二錢食前溫酒調下滾湯
亦可如不應再從虛治用升補之劑成一案凡陰中突出如蛇如菌如
雞冠狀皆是也在平日作實治可用苦寒在產後作虛治必用升補

陰戶突出一物如茄如蛇如菌如雞冠 驗方新編云用蛇床子烏梅煎

水薰洗又白菜嚼融敷又芝麻嚼爛敷成一案無論虛實可通用

真陰不足慾事過度陰戶翻出 驗方新編云其證仰臥不能轉側痛疼

異常用大鱉一個重二斤者破去腸雜連頭整個煮極爛將汁滴患處
其骨連頭頸煨灰研末拭淨摻之其肉作羹食

陰瘡 摘玄方云紫葳爲末用鯉魚腦或膽調搽案卽凌霄花

陰瘡 蘇恭云胡麻煎湯浴大效

陰癢生瘡 肘后方云胡麻嚼爛傅之良

熱勝於濕陰戶生瘡 成一案其人必口渴嗜飲並能飲冷可用活蚌一個剖開將有肉半個手拿對陰戶揪住過夜

濕勝於熱陰戶生瘡 成一案其人必口渴雖渴而不能多飲可用煨牡蠣飛滑石黃柏枯礬共研細末塗入

陰門邊生瘡作癢作痛 石室秘錄云蛇床子一兩花椒三錢白礬三錢水十碗煎五碗藥熱先熏之溫則洗之

月事後便行房穢濁蘊結陰中生瘡作癢 準繩云用胡椒葱白煎湯一日三四度淋洗

陰中生瘡蝕爛臭膿淋瀝 張仲景云少陰脈滑而數者狼牙湯洗之成一案並即可用狼牙草研末綿裹納入如無此藥用川棟黃柏代

陰中生核腫不消 驗方新編云用蚌蛤肉塞陰中

濕熱鬱蒸陰爛 成一案可用陳蚌殼人中白牡蠣龍骨均煨過加滑石

均研末稍入冰片摻之其爛而至於臭不可聞者須再加象牙末珍珠末兒茶末雄黃末於前方內

妬精陰瘡 醫林集要云大田螺二個和殼燒存性入輕粉少許同研傅之效成一案此由爲時未久交接不一人所致又案輕粉劫劑愈後宜再以仙遺糧研末綿裹納入以解之男子亦有此症亦用此方

血瘀氣滯陰戶有物如石塞痛 青林云詢諸經斷多月故知有瘀宜用桃仁血竭元胡索等

寒凝濕滯陰戶有塊雪白冰冷必摳出方可溺 慎柔僧云宜服參朮苓草橘半薑桂

陰戶內發熱如烙 富有經云陰戶內發熱而乾燥者由肝火偏熾下吸

腎液肝腎之陰兩虧也用生地女貞阿膠並以生脂麻油塗戶內發熱而潮溼者肝火旺而夾溼也用黃連黃柏川楝子並以川楝子煎洗玉門寬冷 仙傳方云硫黃煎水頻洗

子戶寒冷 金匱玉函方云蛇牀子仁爲末入白粉少許和勻如棗大綿裹納之此溫中坐藥自然溫也

陰吹 張仲景云胃氣下泄陰吹而正喧此穀氣之實也宜豬膏髮煎導之用豬膏半斤亂髮如鷄子大三枚和煎髮消藥成矣分再服病從小便中出也

痰飲壅阻液不下行陰吹 吳鞠通云用半夏陳皮桂枝茯苓塊小枳實生薑煎服

龍雷之火與肝風相搏擊陰吹 成一案可用大生地石決明黃柏知母以療之又有產後早食葱致陰吹者此不必治

肝胃濕熱玉戶出綠色蟲 汪石山云用酒製黃連白朮香附

楊梅瘡 李時診曰今醫家有搜風解毒湯不犯輕粉劫劑致遺後患病
深者月餘淺者半月必愈用土茯苓一兩薏苡仁金銀花防風木瓜
通白蘚皮各五分皂莢子四分氣虛加入參七分血虛加當歸七分水
二大盃煎飲一日三服以愈爲度不必換方惟忌飲茶及牛羊鷄鵝魚
肉燒酒法麵房勞蓋屢驗秘方也成一案此症男女皆有並可服此方
今西醫以六零六治此症猶中醫之用輕粉乃劫劑也當時雖立即見
效後必復發無救大可懼也

楊梅結毒 王安采藥方云土人參補陰虛對配茯苓熬膏每日酒調服
成一案土人參卽粉沙參此方甘寒化毒從小便出而不傷正極佳

下疳 簡便單方云母豬糞黃泥包煨存性爲末先以米泔洗淨搽之立
效成一案此症男女皆有此方皆可用

少腹滿如敦

張仲景云婦人血結少腹滿如敦狀小便微難而不渴此

爲水與血俱結在血室用大黃二兩甘遂阿膠各一兩水一升半煮存
半斤頓服其血當下成一案近人體質薄弱分量用三分之一足矣

交合門

因交接傷動陰血

熊氏云五倍子末摻之良

交接違禮出血不止

僧坦集驗方云青布同髮燒灰納之成一案所謂

違禮者猶言淫恣過度也

體質虛寒每交接輒出血

準繩云用桂心伏龍肝各等分爲末酒服

女童不勝偉男交接血出不止

準繩云亂髮並青布均燒灰研細末塗

或用赤石脂末溲之

交合後犯陰症腹痛面青

劉氏云鴿子糞一合炒研末極熱酒一鍾和

勻澄清頓服成一案可與下兩條外治參酌合用

房勞陰毒

孫氏集效方云胡椒七粒葱心二寸半麝香一分擣爛以黃

蠟溶和做成條子插入陰內少頃汗出卽愈

陰毒昏厥

唐瑤經驗方云銀硃輕粉各一錢獨囊大蒜一枚搗和作餅

貼病人右手心合放陰戶上以物抵住頃間氣回汗出口中有微氣卽活成一案可與上方同用一插戶內一合戶外可也

男子病後與交合患陽易

傷寒類要方云其狀肢拘急手足拳腹痛欲

死宜汗之滿四日不可治用乾薑四兩爲末每次半兩白湯調服覆衣被出汗後手足伸卽愈成一案與陰戶病門男病新愈條同參

樂極陰精大泄脫陰若死

耳食錄云其狀目定神昏氣息不屬是時兩

體不可脫離離則氣斷而死惟急以口咬之以手插之務使其極痛得痛則氣一收縮而復甦矣甦後再服藥調理之男病脫陽形狀相同治法亦不異

十年失合瘀血漬入隧道兩胯作痛 薛立齋云其狀洩痛如淋大便亦

痛師尼寡婦宮女每患此症成一案薛未出方察證可用當歸龍薈丸

鬼交 日華子曰韭子治鬼交甚效

鬼交泄精 大明曰菟絲子研末服

誤遭強暴輪姦精滿腹脹欲死不能動驪 傳驗方云舊草鞋一隻燒煙

熏陰戶再用一隻煎湯卽以鞋向下揉腹精自沿出

乳門

血不歸經無孩而乳脹汁下 王旭高云此由肝風肝火逆上所致宜用

元精石赤石脂紫石英寒水石生地白芍歸身伏神牡蠣烏藥

乳裂 朱震亨云茄子老裂者燒灰敷

乳頭裂破 危氏得效方云胭脂蛤粉爲末傅之成一案如無胭脂可用

紅花代之西藏紅花更佳

乳頭開花欲墜疼痛異常 宋春暉云用寶珠山茶焙研爲末麻油調搽
曾見立愈

孔瘡腫痛 綱目云脂麻炒焦研末以燈窩油調塗卽安

濕熱症乳房生癰紅腫焮痛 成一案世多用神效瓜蒌散極效方爲瓜
蒌當歸生甘草乳香沒藥好酒煎須與下條虛實互勘

陰寒症乳房結核不紅不腫不痛 林珮琴云宜用鹿角尖磨末酒沖服
成一案此卽乳岩初起之狀其因情志憂鬱而來者可用香附子去毛
生薑自然汁浸一宿焙乾爲末與上方同用

孔癰初起 百草鏡云由氣鬱而成者宜用初開之玫瑰花三十朵陰乾
去心蒂陳酒煎食後服

乳癰紅腫 種德堂方云蒲公英一兩忍冬藤二兩擣爛水二鍾煎剩一
鍾食前服睡覺病卽去矣



乳癰潰爛

集聽方云桑葉摘去半段取後半段滴出脂名曰桑葉滋取用三分又黃柏八錢煎乾亦祇用三分置磁器中於飯鍋上蒸一次夜露一宿塗患處雖爛見骨亦能收口平復

乳巖已成乳房結核色白形凹凸不齊 傳信方云用當歸川芎熟地白芍青橘皮五加皮丹皮海桐皮白芷烏梅薑黃川薑生薑成一案亦有水不涵木乳巖赤腫潰血而用犀龜地歸芍膠牡蠣珠粉三七者須辨兩乳細長如腸垂過小腹痛不可忍危亡須臾 夏子益奇疾方云名曰乳懸產後爲多急將川芎當歸各一斤以半斤剉散於瓦器內用水濃煎不拘多少頻服再以一斤半剉塊於病人桌下燒烟令將口鼻吸受烟氣用盡未愈再作一料又以蓖麻子一粒貼其頂心乳收卽去之

經水門

經水色黃

摘玄方云婦人血黃用黃茄子竹刀切陰乾爲末每服二錢

溫酒調下

月經逆行從口鼻出 簡便方云先以京墨磨汁服止之次用當歸尾紅花各三錢水一鍾半煎八分溫服其經卽通

經脈逆行 朱震亨云宜用鬱金末加韭汁薑汁童便同服

經水不調 趙恕軒云子宮虛寒經不調不受胎者宜用雞血藤膠陸象威云曾見人多年不育服此有子成一案此溫補藥血分虛寒者宜之與下一條須互參

月經不調久而無子 禹講師云此衝任伏熱也用生地半斤當歸二兩黃連一兩並酒浸一夜焙研末煉蜜爲丸每三錢米飲下成一案子宮寒令人無子血分熱亦令人無子何今人專喜購現成種子丸豈知其性皆燥熱乎其藥肆所以售熱劑而不售涼劑者以病屬子宮寒服助陽藥有速效病屬血分熱服養陰藥無近功也然而受害者多矣又案



青樓中人經不調服槐脰滌宮丸甚效方載求嗣門子宮瘀熱條

室女經閉 千金方云牡鼠屎一兩炒研空心溫酒服二錢成一案此藥

俗名兩頭尖乃通經之品

室女經閉 普濟方云當歸尾沒藥各一錢爲末紅花浸酒面北飲之一日一服成一案此方通絡化瘀而微具補性

女經不行 徐氏胎產方云凌霄花爲末每服二錢食前溫酒服成一案

凌霄花一名紫葳其性酸寒清血中伏火因肝熱而經閉者宜之

月經不通 千金方云日飲人乳三合成一案此由血枯無經可行因而不通上爲乳汁下爲經水本皆血之所化是不啻以血補血也

月經不通 大明云鬼箭羽通月經成一案此由血瘀成塊因而結聚不通藥性寒而主百邪鬼魅凡因邪祟而經閉及體質素熱者更當

經水不通 海上方云薏苡根一兩水煎服之成一案是根而非仁素體

有溼者可用此方下方亦是根而非子以根性下入也

月水不通結成癥塊腹肋脹大欲死 普濟方云牛蒡根二斤剉蒸三遍

以生絹袋盛之以酒二斗浸五日每食前溫服一盞

月經太過 陳藏器云瓜子仁研末去油用水調服

月水不定 甄權云山茱萸止月水不定成一案此因肝虛不能藏血而

反經來不定者故以溫添精髓而又酸澁之品以止之

月水不止 普濟方云牡蠣煨研米醋搜成團再煨研末以米醋調艾葉

末熬膏和小丸每醋湯下三錢成一案此專以酸澁收止之者

月水不斷 聖惠方云木賊炒三錢水一鍾煎七分溫服日一服

經血不止 聖濟總錄云箬葉灰蠶紙灰等分爲末每服二錢米飲下

經血不止 婦人經驗方云陳蓮蓬殼燒存性研末每服二錢熱酒下名

瑞蓮散